



Depatman Aprantisaj Pwolonje Manyèl Paran/Responsab

FILOZOFI APRANTISAJ PWOLONJE

Objektif Depatman Aprantisaj Pwolonje a se fasilite opòtinite pou bonjan pwogram gadri apre lekòl ki satisfè bezwen fondamantal komen pou tout elèv pandan lè apre lekòl yo. Li enpòtan pou elèv yo genyen aksè ak meyè opòtinite posib pou devlope nan sante, byennèt epi vin yon adilt responsab.

ENSKRIPSYON

Tout paran dwe soumèt yon demann kontra enskripsyon pou pwogram apre lekòl 2026-2027 nan Eleyo. Depi w fin kreye demann kontra a, ou pral resevwa yon imèl pou fè w konnen demann kontra w la ap tann apwobasyon estaf yo epi yo pral revize l nan lòd yo te resevwa l. Anplis yon kontra yo apwouve nan *Eleyo*, genyen yon frè enskripsyon \$35.00 pou peye epi li garanti yon plas nan pwogram nan. Frè enskripsyon \$35.00 a pa ranbousab apre premye jou lekòl la, men yo kapab transfere li nan yon lòt pwogram apre lekòl Distri a. Yo PA KAPAB enskri elèv yo nan okenn pwogram gadri apre lekòl si yo dwe balans frè gadri apre lekòl nan Distri a.

Yo enskri aplikan yo sou baz premye ki vini se premye y ap sèvi, dapre plas ak estaf ki ki disponib. Yo etabli yon lis datant lè pwogram nan plen. Pandan elèv ap aplike pandan ane a, y ap ajoute non yo nan lis datant la jiskaske yo kapab anboche estaf pou redui lis datant la.

ORÈ PWOGAM GADRI APRÈ LEKÒL

Pwogram gadri apre lekòl se yon bonjan pwogram anrichisman nan yon anviwònman ki san danje, ki ofri yon orè akademik ak aktivite espesyal epi ki pa kapab akomode sèvis okazyonèl.

Elèv yo dwe enskri epi dwe peye frè yo dapre orè pèman an pou nenpòt pwogram ki endike anba la a:

Pwogram Gadri nan Maten, Lendi – Vandredi (6:30am a 7:30am), si li aplikab pou lokal

lekòl la Pwogram gadri Aplantan, Lendi – Vandredi (2:00pm jiska 6:00pm)

Pwogram gadri tan pasyèl, Lendi – Vandredi (2:00pm jiska 4:00pm)

* Gade kalandriye lekòl la pou jou prezans elèv

RÈGLEMEN SOU PEMAN

Yo kalkile frè yo dapre kontra prezans epi yo distribye yon fason pwopòsyonèl pandan tout ane lekòl la.

Yo dwe peye frè mwa a konplètman; yo pa kapab peye pa èdtan. Pou ede fanmi yo planifye bidjè yo, yo

kapab fè yon peman pou tout mwa a OSWA an 2 vèsman pa mwa. Yo dwe peye avan yo pran sèvis. Si

piti ou a (yo) enskri apre dat limit premye vèsman an, ou dwe peye montan total mwa a OSWA premye

vèsman an nan moman enskripsyon an. Yo dwe peye tout frè gadri apre lekòl yo sou entènèt nan *Eleyo*

oswa an pèsòn nan biwo direktè/tris pwogram gadri a oswa reprezantan li.

Yo pa kapab peye frè yo nan direksyon lekòl la oswa bay pwofesè a. Pou nenpòt peman kach oswa

money order, yo dwe ba w yon resi imedyatman.

FRÈ POU PEMAN ANRETA

Si w pa fè peman nan oswa avan dat delè ki endike nan Orè pou Peman Frè Pwogram gadri Aprè Lekòl

la, sa pral lakòz yon frè \$10.00 pou peman an reta pa mwa. Si yo pa fè peman, yo pral sispann/tèmene

sèvis yo. Pou timoun (yo) retounen nan pwogram nan kont lan dwe ajou avèk peman yo te fè pou tout

frè ki sot pase yo ansanm ak frè peman anreta. Pa pral genyen yon repatisyon nan frè pou jou yo

manke akòz yo te tèmene paske yo pa te peye.

Paran yo kapab aplike pou yonsèl fwa pa ane eskolè pou *Late Payment Fee Waiver* (Egzansyon pou Frè Peman Anreta) lè yo ranpli epi soumèt fòm PBS 2577 pwogram gadri apre lekòl la bay.

FRÈ POU ELÈV Y AP VIN CHÈCHE ANRETA

Pou chak minit yon paran/responsab anreta nan vin cheche piti li a (yo), y ap chaje l yon frè \$1.00 pou

reta. **Reta repete nan vin cheche yon elèv kapab lakòz yo mete elèv la deyò nan pwogram nan.**

Genyen yon lis pi ba a ki se yon egzanp frè yo chaje pou reta ki se \$1.00 pa minit:



Depatman Aprantisaj Pwolonje

Manyèl Paran/Responsab

Atan pasyèl 2:00 - 4:00 pm, yo vin chèche elèv la a 4:10 sa ap enplike yon frè \$10.00 pou reta
Aplentan 2:00 - 6:00 pm, yo vin chèche elèv la a 6:15 sa ap enplike yon frè \$15.00 pou reta

Y ap plase nan pwogram gadri apre lekòl aplentan elèv nan pwogram gadri atanpasyèl
yo toujou vin chache anreta. Y ap sispann elèv nan sèvis pwogram gadri apre lekòl
aplentan, yo toujou vin chache anreta.

RÈGLEMEN SOU RANBOUSMAN/KREDI

Pou retire yon elèv nan pwogram gadri apre lekòl la, paran dwe avèti direktè/tris la alekri oswa
soumèt yon demann orè/retrè nan *Eleyo* de (2) semèn alavans pou yo kapab resevwa ranbousman
peman. Yo p ap akòde lòt demann ranbousman.

PWOSEDI POU RANVWA/ VIN PRAN ELÈV

Tout elèv dwe prezante dirèkteman nan gadri apre lekòl lè lekòl lage. Yo make prezans epi yo soumèt li
bay biwo gadri apre lekòl la nan premye kenz minit pwogram nan. Elèv ki absan pandan jounen lekòl la
toujou kapab vini nan pwogram gadri apre lekòl la, bay prèv yo pa malad epi yon paran/responsab te
siyen pou yo nan pwogram nan.

Se sèlman moun ki otorize jan sa endike nan *Eleyo* ki kapab vin chèche timoun nan. Pou rezon sekirite,
apèl nan telefòn paran/responsab yo pa adekwat pou kite elèv la ale. Moun ki otorize yo dwe genyen 18
an oswa plis epi yo dwe genyen yon kat idantifikasyon ak foto pou yo montre dirijan gadri apre lekòl
chak jou lè y ap remèt li elèv la. Yon paran/responsab dwe ranpli fòm Pèmisyon pou Minè vin chèche
elèv la *Under Age Pick Up Permission Slip* (PBSD 2502) si y ap voye yon minè ki gen mwens pase dizwit
an vin chèche pitit yo. Minè sa yo dwe montre yon pyès idantifikasyon ak foto ki valid pou yo kapab vin
chèche elèv la. Paran/Responsab/Moun ki Otorize a dwe ale lekòl la epi itilize aplikasyon prezans *Eleyo*
pou siyen non legal konplè li. Dat ak lè pou chèche yo anrejistre nan *Eleyo*.

**Amwenske genyen yon òdonans espesifik Eta Florid (okenn lòt eta pa valab) ki nan dosye pwogram
gadri apre lekòl, yo kapab remèt yon elèv bay paran ki pa responsab legal la si li nan fòm enskripsyon
elèv la. Paran/responsab yo genyen responsablite pou kenbe enfòmasyon konsènan moun ki otorize
yo ak òdonans sou dwa paran ajou. Yo dwe rezoud pwoblèm òdonans andeyò sant lekòl la.**

Konpòtman ki pa apwopriye nan men moun k ap vin chèche yon elèv, ki enkli ladan menas, langaj ostil
pral lakòz paran/responsab yo oblije fè lòt aranjman pou vin chèche elèv yo, oswa sispann sèvis apre
lekòl pou pitit yo.

RÈGLEMEN POU KONPÒTMAN

Elèv yo ap patisipe nan preparasyon règleman pou gwoup yo. Yo ankouraje elèv yo pou fè chwa ki
responsab epi yo rekonpanse yo pou konpòtman ki apwopriye. Elèv yo pral resevwa konsekans lojik pou
desizyon yo pa apwopriye. Objektif la se pou fòme elèv responsab ki genyen kapasite pou yo chwazi pi
bon konpòtman an. Ofans ki pi grave yo ap genyen kòm konsekans yon *Rapò Konpòtman Elèv Apre
Lekòl oswa Ensidan* (PBSD 2610). Resevwa Twa Rapò sou *Konpòtman Elèv Apre Lekòl oswa Ensidan*
(PBSD 2610) pandan ane lekòl la kapab lakoz sispannyon oswa mete yon elèv deyò nan pwogram nan. Si
pitit ou a enplike nan nenpòt konfwontasyon fizik, epi yo jije ki danjere pou limenm oswa lòt moun, y ap
enpoze sispannyon oswa mete elèv la deyò imedyatman nan pwogram nan. Tout desizyon disiplinè ap
apwopriye ak laj timoun epi yo dwe konfòm ak Règleman 2.035 ak 5.1812 Komite Dirijan Lekòl la.

KOLASYON

Pwogram *snack* ki bon pou sante pwogram Aprantisaj Pwolonje a genyen bwason (lèt, dlo oswa ji
100%) ak omwen de (2) chwa manje ki nitritif. Tanpri gade tablo enfòmasyon paran/responsab la pou
yon meni kolasyon konplè pou diskite nenpòt alèji manje ak direktè/tris la.



Depatman Aprantisaj Pwolonje Manyèl Paran/Responsab

PWOSEDI SWEN SANTE

Elèv ki pa kapab rete nan gwoup yo akòz blesi oswa maladi ap rete nan biwo gadri apre lekòl la oswa kote pou yo siyen. Pwogram sa a swiv direktiv jou lekòl yo nan jere ka ijans yo. Si sa nesèsè, estaf ki kalifye bay premye swen minè epi yo avèti paran/responsab yo lè y ap siyen pou pitit yo. Pou maladi oswa blesi grav, biwo pwogram gadri apre lekòl la ap kontakte paran/responsab yo imedyatman epi l ap nesèsè pou yo vin cheche pitit yo imedyatman. Pou evite blesi, nou atann pou elèv yo respekte kòd abiman lekòl la epi pou yo mete soulye ki fèmèn toutan pou sekirite.

Estaf pwogram gadri apre lekòl pa kapab bay okenn medikaman amwenske genyen yon fòm otorizasyon medikal yon paran/responsab ak doktè a siyen ki nan dosye biwo pwogram gadri apre lekòl la. **Yo pa otorize elèv genyen okenn medikaman sou yo nan okenn moman**, eksepte vaporizatè pou opresyon oswa *Epi-Pen* avèk otorizasyon doktè oswa medikaman pou soulaje tèt fè mal pandan yo nan lekòl la oswa nan yon evènman oswa aktivite lekòl la patwone san yon nòt oswa preskripsyon doktè. *Food and Drug Administration* (FDA) Etazini dwe kontwole izaj medikaman san preskripsyon an pou trete tèt fè mal epi *Konsantman Paran/Responsan pou Elèv yo Itilize Medikaman pou Tèt fè Mal san Preskripsyon (Consent for Student Use of Over-the-Counter Headache Medication)* (PBSD2683) dwe nan dosye ak pwogram apre lekòl la.

Nenpòt timoun, estaf gadri oswa lòt moun nan pwogram gadri apre lekòl la yo sispèk ki ta gripe oswa genyen nenpòt maladi kontajye, y ap retire l nan pwogram nan oswa mete li yon kote izole jiskaske yo vin chèche l. Moun konsa pa kapab retounen san yon otorizasyon medikal, oswa jiskaske siy ak sentòm maladi a pa prezan ankò.

Nimewo telefòn pou kontakte tout moun ki otorize pou vin chèche timoun dwe ajou nan dosye yo. Elèv yo dwe suiv direktiv ki nan Règleman Komite Dirijan Lekòl 5.3213 ak lòt règleman ki soti nan Depatman Sante Florid ak Sipèntandan an.

RÈGLEMAN POU PARAN

Nan efò pou nou pi byen sèvi fanmi yo, tanpri, sonje pòt pwogram gadri apre lekòl yo toujou ouvè. Paran/responsab ki otorize ap kapab jwenn aksè nan pwogram nan annakò avèk pwosedi sekirite ki apwopriye yo, Ki enkli siyen nan direksyon an epi pou estaf akonpaye yo nan zòn ki deziye. Nou konsidere fanmi yo kòm patnè nan pwogram gadri apre lekòl sa a. Paran ki ta renmen pataje talan yo avèk elèv ki nan pwogram gadri apre lekòl la ta dwe kontakte direktè/tris sit la. Nan ka orè yon paran pèmèt li patisipe nan lè pwogram gadri apre lekòl yo oswa aktivite espesyal, yo ta dwe pale avèk direktè/tris la pou yo kapab patisipe! Pou plis enfòmasyon sou volontarya, tanpri refere w a sit [Palm Beach County School District Volunteer Resources](https://palmbeachcountyschools.org/volunteer-resources).

RESOUS

Tanpri vizite <https://palmbeachcountyschools.org/eleyo.com/sitecontact> pou jwenn enfòmasyon pou kontakte lokal la. Direktè/tris lokal apre lekòl la pral bay lòt enfòmasyon espesifik pou pwogram apre lekòl la tou, enkli:

- Orè pèman
- Orè pwogram
- Orè *snack* (kolasyon)
- Nimewo telefòn biwo gadri apre lekòl ak telefòn selilè si sa aplikab
- Plan evakyasyon andeyò kanpis la pou ka ijans

Anplis, resous paran/responsab yo disponib sou tablo Enfòmasyon pou Paran/Responsab ki nan biwo gadri apre lekòl la.



Depatman Aprantisaj Pwolonje

Manyèl Paran/Responsab

EGZANP ORÈ/DESKRIPSYON AKTIVITE *

(Orè a se pou enfòmasyon sèlman epi li kapab pa reflète aktivite reyèl nan pwogram sa a)

Gwoup 1	Lè	Lendi	Madi	Mèkredi	Jedi	Vandredi AMIZAN
	2:00 - 2:30	Check-In/Snack Salklas	Check-In/Snack Salklas	Check-In/Snack Salklas	Check-In/Snack Salklas	Check-In/Snack Salklas
ATANPASYÈL	2:30 - 3:00	Aktivite yo Òganize Deyò /Aktivite Fizik Paviyon	Aktivite yo Òganize Deyò /Aktivite Fizik Zòn Gazon	Aktivite yo Òganize Deyò /Aktivite Fizik Teren "Kickball"	Aktivite yo Òganize Deyò /Aktivite Fizik Teren Baskètbòl	Aktivite yo Òganize Deyò /Aktivite Fizik Outdoor Area
	3:00 - 3:30	Èd ak Devwadmezon/ Lekti/ Teknoloji Salklas	Èd ak Devwadmezon/ Lekti/ Teknoloji Salklas	Èd ak Devwadmezon/ Lekti/ Teknoloji Salklas	Èd ak Devwadmezon/ Lekti/ Teknoloji Salklas	Opòtinite Aprantisaj Pwolonje Salklas
	3:30 - 4:00	Jwèt yo jwe sou Tab Salklas	Inisyativ Akademik Salklas yo deziyen			
Gwoup 2	Lè	Lendi	Madi	Mèkredi	Jedi	Vandredi AMIZAN
APLENTAN	2:00 - 2:30	Aktivite Fizik yo Òganize Deyò/ Aktivite Fizik Paviyon	Aktivite Fizik yo Òganize Deyò/ Aktivite Fizik Zòn Gazon	Aktivite yo Òganize Deyò/ Aktivite Fizik Teren "Kickball"	Aktivite yo Òganize Deyò/ Aktivite Fizik Teren Baskètbòl	Aktivite yo Òganize Deyò/ Aktivite Fizik
	2:30 - 3:00	<i>Snack</i>	<i>Snack</i>	<i>Snack</i>	<i>Snack</i>	<i>Snack</i>
	3:00 - 3:30	Devwadmezon /Lekti/ Teknoloji Salklas	Devwadmezon/ Lekti/ Teknoloji Salklas	Devwadmezon /Lekti/ Teknoloji Salklas	Devwadmezon /Lekti/ Teknoloji Salklas	Opòtinite Aprantisaj Pwolonje
	3:30 - 4:00	Jwèt yo jwe sou Tab Salklas	Mizik ak mouvman Salklas	Jwèt Kowoperatif Salklas	Atizay Kreyatif Salklas	Salklas



Depatman Aprantisaj Pwolonje
Manyèl Paran/Responsab

	4:00 - 5:00	<i>Brain Quest</i> Salklas	Inisyativ Akademik Salklas yo deziyen				Jwèt yo jwe sou Tab Salklas
	5:00 - 6:00	Klib/Sant Chwa	Klib/Sant Chwa	Klib/Sant Chwa	Klib/Sant Chwa	Klib/Sant Chwa	
Aktivite yo òganize Deyò/*Asistans ak Devwa							

* Yo ofri elèv yo yon tan adisyonèl pou fè devwa apre 5: p.m. nan salklas yo deziye *